

REFERAT MAA - Meeqqanut Atuarfeqarnermullu Ataatsimiititaq d. 04-08-2021

Mødedato Onsdag d. 04. august 2021 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
9. klassit suliffimmik misiliisinneqartarnerannik sivitsuineq.....	6
Naluttarfik MALIK piffissami 2021 - 2022 ammasarfissai.....	9
Tasiilami Peqqinnermut, Susassaqartitsinnermut Kulturimullu Immikkoortortaqaqarfiup nuunneqarnera.....	12
2020-mi nunaqarfinni neqeroorutiniq ulluuneranilu paarsisartunik nakkutilliineq.....	15
Atuarfik Ukaliusaq pillugu nakkutilliinermi nalunaarusiaq.....	19
KAA-mi suleqatigiinnissamut isumaqatigiissutip aamma ataatsimut iliuusissatut ilitsersuutip atortu.....	22
Kommuneqarfik Sermersuumi Inuit innarluutillit pillugit Siunnersuisoqatigiinnut qinigassanngortit.....	25
Atuartut angerlarsimaffii pillugit immikkoortumut pilersaarut.....	28
Meeqquerivik Mikemi inimik matusigallarneq - Paamiut.....	31
Arsummi angerlarsimaffimmi paarsisarnerup matuneqarnera.....	34
Sermiligaami katersortarfik.....	37
Lukket.....	40
Lukket.....	41
Imaqarniliap akuerineqarnera.....	42

Punkt .: Saqqaa

Beslutning

Ataatsimeeqataasut:

Juaaka Lyberth (IA)

Poul Petersen (D)

Mia Skifte (IA)

Oqarasuaatikkut:

Emanuel Nüko (N)

Dorthe-Marie Morgensen-Fontain (S)

Punkt .: Oqaluserisassat akuerineqarneri

Beslutning

Oqaluserisassat akuerineqarput.

Punkt .: Nalunaarutit

Beslutning

Siulittaasup nalunaarutai:

Nuussuup Atuarfiata suliniut TASSA! pillugu peqatigiiffik Kalaallit Meerartaat suleqatigiinnissamik isumaqatigiissuteqarfigaa. Suliniutip TASSA! siunertaraa inuiaqatigiinni persuttaasernerup pitsaaliornissaa annikillisinnissaalu, inuusuttut persuttaanermut ilisimasaannik nukittorsaannikkut iliuusissanillu nutaanik tunniussinikkut.

Ingerlatsivimmit nalunaarutit:

Ingerlatsivimmit Aalborg kommune siunissami kommunini marluusuni atuarfissuassat pillugit siunissami suleqatigiinnissaq pillugu oqaloqatigineqarpoq. Atuarfiit aaqqissuunneqarnissannut iluaqutaasussanik misilittakkanik ilisimasanillu avitseqatigiinnissaq siunertaavoq. Kommuneqarfik Sermersooq ammma Aalborg kommune suleqatigiinnissamut isumaqatigiissutaanni suleqatigiinnissaq allaaserineqarpoq. 2021imi ukiap ingerlanerani ingerlatsiviit marluusut ornigullutik ataatsimiinnissaat naatsorsuutigineqarpoq.

Punkt 1: 9. klassit suliffimmik misiliisinneqartarnerannik sivitsuineq

Beslutning

Ilisimatitsissut tusaatissatut tiguneqarpoq.

9. klassit suliffimmik misiliisinnegartarnerannik sivitsuineq

Ilisimatitsissut

SagsID.: EMN-2021-12567

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Atuarfimmi atuartsissutini atuartsissutinilu qanitariissuni alloriarfiit siunertaat kiisalu atuartsissutit siunertaat ilikkagassatullu anguniagassat pillugit Namminersorlutik Oqartussat nalunaarutaat nr. 16, 24. juuni 2003-meersumi § 37, imm. 4, 2) naapertorlugu atuartut angajullerni atuartut atuarunnaartut ilaatigut inuussutissarsiutinik marlunnik toqqakkaminnik misiliisimassasut. Aamma taanna suliffimmik misiliinertut taaneqartarpoq.

Kommuneqarfik Sermersuumi Kommunalbestyrelsimi Inuit Ataqatigiit, Demokratit aamma Naleqqap 2021-miit 2025-mut Suleqatigiinnissamat isumaqatigiissutaanni ilaatigut allaqqavoq, kommune suliffeqarfinnik, suli amerlanernik praktikerfissaqarnissaq, ersarinnerunissaq aamma atuarfimmi skemami naleqquttunik piginnaasaqalernissamat sammisaqarnissaq pillugit sukumiisumik malunniuteqarluartumillu suleqateqarnissaq pissasoq. Kiisalu Kommuneqarfik Sermersuup Grønlands Erhverv, CSR Greenland kiisalu Suliniut Qaqisa pillugu Nuummi ingerlatsisut arlallit suleqatigilerpai. Tassani ilaatigut pineqarluni atuarfiit inuussutissarsiorfillu suleqatigiinnerisa pitsanngorsarneqarnissaa kiisalu atuartut suliffimmik misiliisinnegartarnerisa pitsaanerusumik angusaqarfionissaa.

Atuartut suliffimmik misiliinerisa ingerlanerat pitsaanerulersinniarlugu Atuarfeqarnermut Immikkoortortaqarfimmi atuarfiit isumasiorderisigut aalajangiunneqarpoq, atuarfinni tamani suliffimmik misiliisitsisarneq 9. klassini sapaatip akunnerini marlunni 10. klassinilu sapaatip akunnerani ingerlanneqartalissasoq. Kommuneqarfik Sermersuumi atuartuni angajullerni suliffimmik misiliisitsisarneq maannamut atuarfiit ilaani 9. klassimi 10. klassimiluunniit ingerlanneqartarpoq atuarfiit ilaani 9. klassimi 10. klassimilu suliffimmik misiliisitsisoqartarpoq.

10. klassimi atuartut ukiumi atuarfusumi kingullermi suliassat assigiinngitsorpasuit soorlu terminsprøvit inaarutaasumillu misilitsinnerit naammassineqartartussaasarnerat, 9. klassimi suliffimmik misiliisitsisarnerup sivitsorneqarnerannut tunngaviuvoq. Taamaattumik nalilernerarpoq, suliffimmik misiliisarnerup pingaarnertut 9. klassimi ingerlanneqartarnissaa naleqqunnerusoq.

Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsivimmi nalilernerarpoq, suliniut ullumikkut tiiminik agguariaatsip atuuttup iluini ingerlanneqarsinnaasoq. Suliniutip taamaalilluni kingunerissavaa, 9. klassini 10. klassinilu ilinniartitsisut atuartsinermi tiimerpaalunnik annaasaqartussanngornerat aamma ulluni arlalinni skiimaqarfiusussaajunnaarnissaat. Tiimilli annaasaqaataasuni arlalissuit atuartut suliffimmi misiliineranni qanoq ingerlanerannik nakkutilliinermut atorneqassapput. Taamatut nakkutilliinissamat klasselærimut atuarfimmiluunniit siunnersortimut atuartumut ataatsimut 2 tiimit atugassiissutaapput. Atuarfimmi siunnersorti atuartut suliffimmik misiliinissaat sioqqullugu piareersarlunilu suliffimmik misiliiffissanik aamma misissuissaaq.

Suliffeqarfirmut Kiffartuussivimmit aningaasatigut nalililineq

Pisariaqanngilaq



Inatsisitigut tunngavissaq allakkallu tunngaviusumik uppersaatitallit

- Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaat nr. 16, 24. juuni 2003-meersoq.

Ilannussat

Ilannussaqaqqangilaq.

Punkt 2: Naluttarfik MALIK piffissami 2021 - 2022 ammasarfissai

Beslutning

Ilisimatitsissut tusaatissatut tiguneqarpoq.

Bilag

Piffissami 2019 – 2020 aamma 2021-2022 akunnerit agguataarnerisa takussutissartaat

Naluttarfik MALIK piffissami 2021 - 2022 ammasarfissai

Ilisimatitsissut

SagsID: EMN-2021-13136

Suliffeqarfimmi Kiffartuussineq - Vicekommunaldirektøri Marie Fleischer (MAFL)

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamat inassuteqaatigivaa:

- ammasarfissatut allannguutit aamma atuariit meeqquviillu nalutsitsisarnerannut akunnerit agguataarneqarnerat tusaatissatut tiguneqassasoq.

Suliassamik saqqummiussineq

Piffissami 2021-2022-mut Naluttarfik Malik ammasarfissai ima isikkoqarput:

	Ataasinngorneq	Marlunngorneq	Pingasunngorneq	Sisamanngorneq	Tallimanngorneq	Arfininngorneq	Sapaat
Atuarfik	08:00 – 12:00	08:00 – 12:00	08:00 – 12:00	08:00 – 12:00	08:00 – 12:00		
Meeqquviviik	10:00 – 12:00	10:00 – 12:00	10:00 – 12:00		10:00 – 12:00		
Naluttartut klubbiat	16:30 – 22:00	20:45 – 22:00	16:30 – 22:00	20:45 – 22:00		16:00 – 18:00	16:00 – 18:00
Peqatigiiffik Qajaq						18:30 – 21:30	
Innuttaasut	06:00 – 08:00		06:00 – 08:00		06:00 – 08:00		
Innuttaasut	12:00 - 16:00	08:00 – 21:00	12:00 - 16:00	08:00 – 21:00	12:00 - 21:00	08:00 – 17:00	08:00 – 17:00

Aaqqiissutissatut siunnersuut – suliatiqut naliliineq

Piffissami 2020/2021 ammasarfiit allanngortinneqarput.

Innuttaasunut pitsaanerusunik atugassaqaqtitsinissaq allannguinerit pingaarnertut pissutaapput. Ulluinnarni allannguutit tassaapput innuttaasunut piffissami 16:00-imiit 18:30-mut ammasaraluarluni, ataasinngornikkut pingasunngornikkullu nal. 16:00-imiit 18:30-mut matoqqasalissaaq. Weekendini ammasarfiit nalunaaquttap akunneranik sivitsorneqassapput, taamaalilluni ataasinngornikkut pingasunngornikkullu matoqqasarnera innuttaasunut matussuserneqassaaq.

Atuisartut siunnersuisoqatigiivi naluttarfimmilu atuisut sulisullu ammasarfiit allanngornissaannut siunnersuuteqarput.

Sapaatip akunneranut meeqquvinnut atuarfeqarfinnullu allannguneq malunnaataassanngilaq. Siunnersuummut atatillugu atuisunut siunnersuisoqatigiit kissaatigaat naluttartut klubbiat ataasinngornikkut pingasunngornikkullu pitsaanerusunik periarfissaqalissasut, taakkununga piffissaritiit sivilunerulerneru pissutigalugu. Taamatullu innuttaasut ulluinnarni atuisartut weekendimi periarfissaqalernerussallutik.

Ingerlatsivimmit aningaasatigut sulisoqarnikkullu naliliinerit

Qulaani pineqartunut tunngatillugu immikkut aningaasartuuteqartoqarnissaa naatsorsuutigineqanngilaq.

Suliffeqarfimmut Kiffartuussivimmit aningaasatigut naliliineq

Aningaasaqarnermut Allatseqarfimmit oqaaseqaqtitsisoqarsimanngilaq.

Inatsisitigut tunngavissaq allakkallu tunngaviusumik uppersaatitallit
Soqanngilaq.

Ilanngussat

1. Piffissami 2019 – 2020 aamma 2021-2022 akunnerit agguataarnerisa takussutissartaat

Punkt 3: Tasiilami Peqqinnermut, Susasaqartitsinnermut Kulturimullu Immikkoortorta qarfiup nuunneqarnera

Beslutning

Ilisimatitsissut tusaatissatut tiguneqarpoq.

Bilag

Immikkoortortami sulisut allattorsimaffiat

Missingersuutitigut aningaasat nuunneqartut pillugit takussutissaq

Tasiilami Peqqinnermut, Susassaqtitsinnermut Kulturimullu Immikkoortortaqrarfiup nuunneqarnera

Ilisimatitsissut

SagsID: EMN-2021-06607

Suliffeqarfimmut Kiffartuussivik - Pisortaanerugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsionermullu Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq

Suliassamik saqqummiussineq

Suliassaqrarfiup tamakkiisumik akisussaaffigilernissaanut kommuneqrarfiup immikkoortuani ingerlatsisut tungaanniit qangalili kissaatigineqalerpoq, isumaqaramimmi Tasiilami suliassaqrarfinnik allanik suleqateqarnermut oqilisaataassasoq. Kommuneqrarfiup immikkoortuani ingerlatsisutaaq sumiiffitsik ilisimasaqrarfiginerugamikku atorfinitsitsinissamut aqutsinissamullu piukkunnaateqarnerullutik misigisimapput. Naggasiullugulu ullumikkut immikkoortortami ingerlatsisumit sulisoqarnermut aqutsinerup annerpaartaa isumagineqalerpoq, ulluinnarnilu Tasiilami Peqqinnermut, Susassaqtitsinnermut Kulturimullu Immikkoortortaqrarfinni aqutsisoq siunersiueqatigisarpaa.

Aappaatigut Peqqinnermut, Susassaqtitsinnermut Kulturimullu immikkoortortaqrarfinnit ungasissumiit aqutsineq arlaatigut ilungersunartoqartartoq misigineqartarpoq. Suliassat suliarineqartarnissaat pillugit malitseqartitsineq aqutsiniarnerlu ungasissumiit ingerlatarissallugu ajornakusoortoq paasinarsivoq.

Ullumikkut Tasiilami sulisut tamarmik immikkoortortaqrarfinni aqutsisoq Nuummi Peqqinnermut, Susassaqtitsinnermut Kulturimullu immikkoortortaqrarfinni fagchefimik qaninnertut qullersaqartoq qaninnertut qullersarivaat. Immikkoortortaqrarfinni aqutsisoq taannatuaavoq sulisut akornanni qaninnertut qullersarisamut pissutsinik allanngortitsisinnaasoq. Suliassaqrarfinni sulisut takussutissartaat ilanngussatut ilanngullugu nassiunneqarpoq.

Immikkoortumi kontut nuunneqartut immikkut Tasiilami sammisassanut illikartinneqarput. Tamatuma saniatigut kommunimi tamanut sammisassanut atorneqartussat kontuniittut naleqqatigiissillugit ilaat immikkoortortaqrarfinni pisortap susassaqrarfanut nuunneqarput. Allaffissornikkut nuussineq Nuummi Tasiilamilu aningaasartuutaannginnissaa naatsorsuutigineqarpoq.

Suliassaqrarfinni suliatigut piginnaatitaaffik annertoq ullumikkut Nuummi ingerlatsivimmiitineqarpoq. Taamaammat Tasiilami immikkoortortaqrarfinni sulisut siunersiueqatiginissaat siunnersortarnissaallu ingerlatiinnarneqassasoq naatsorsuutigisariaqarpoq. Tamatuma saniatigut Tasiilamimi innuttaasut kiffartuunneqarnerat kommunip sinneranut sanilliullugu allaanerulinnginnissaannut siunissami suliniutit ataqatigiissagaasarnissaat aalajangiisuusaaq.

Innuttaasut politikerillu assigiimmik kiffartuunneqarnissaat qulakkeerniarlugu immikkoortortaqrarfinni isumaqatigiissutigineqartut makkuupput:

- Kommunip pilersaarusiukkamik siunertai politikikkullu anguniagai pillugit suleqatigiissaagut.
- Kiffartuussinigt assigiinniassammata suliniutivut ataqatigiissassavavut.

- Timersornerup ulluanut innersuussutit qaammatillu pingasukkaarlugit nalilersuinerit ataatsimoortillugit tunniunneqartassapput.
- Kulturi, sammisassat kiisalu aaqqissuussat pillugit Nuummi ingerlatsivik siunersiueqatigineqassaaq.
- Tasiilami immikkoortorta qarfiimmiit allakkatigut tunniussassat tiguisissamut nassiunneqannginnerini kommuneqarfiup immikkoortuani ingerlatsisumit akuerineqaaqassapput.

Ingerlatsivimmit aningaasatigut sulisoqarnikkullu naliliinerit

Aqqissuussaannerup allangortinneqarnera aningaasartuuteqarfiussanngilaq. Aqqissuussaannerup allangortinneqarnerata kingunerisaanik Tasiilamik sulisut 16-it qaninnertut qullersarisaat allangussaaq, taavalu Peqqinnermut, Susasaqartitsinnermut Kulturimullu immikkoortorta qarfiup missingersuutaaniittut 8 mio. koruunit kommuneqarfiup immikkoortuani ingerlatsisup missingersuutaanut nuunneqassapput. Aningaasat nuunneqartut immikkoortorta qarfiup missingersuutaata 18,6 procenterivai.

Suliffeqarfiimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumi piginnaatitsinnermut pilersaarut

Siusinnerusukkut aalajangererit

Suliaq Aningaasaqarnermut Inuussutissarsiornermullu Ataatsimiititami juunip ulluisa 24-anni 2021 oqaluuserineqarpoq, tassanilu ataatsimiititap Tasiilami Peqqinnissamut, Susasaqartitsinnermut Kulturimullu immikkoortortap nuunneqarnissaanik inassuteqaat akuersissutigaa, suliarlu Meeqqanut Atuarfeqarnermullu Ataatsimiititamut Kommunalbestyrelsimullu ilisimatitsissutitut ingerlateqqillugu.

Ilanngussat

1. Immikkoortortami sulisut allattorsimaffiat
2. Missingersuutitigut aningaasat nuunneqartut pillugit takussutissaq.

Punkt 4: 2020-mi nunaqarfinni neqeroorutinik ulluuneranilu paarsisartunik nakkutilliineq

Beslutning

Ilisimatitsissut tusaatissatut tiguneqarpoq.

Bilag

Kuummiini Tiilerilaamilu nunaqarfinni neqeroorutinut kiisalu Kulusummi angerlarsimaffimmi paarsisartunut nakkutilliinermi nalunaarusiaq

Nuummi kiisalu Arsummi, Qeqertarsuatsiaani aamma Kapisilimmi nakkutilliinermi nalunaarusiaq

Nunaqarfinni neqeroorutinut aamma angerlarsimaffimmi paarsisartunut nakkutilliiartornermut skema

Kuummiini, Tiilerilaami Sermiligaami nunaqarfinni neqeroorutinut aqutsisumut kiisalu Kulusummi angerlarsimaffimmi paarsisarnermut atorfirmut atuuffimmullu nassuiaat



2020-mi nunaqarfinni neqeroorutiniq ulluuneranilu paarsisartunin nakkutilliineq

Ilisimatitsissut

SagsID.: EMN-2021-12748

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- 2020-mi nunaqarfinni neqeroorutiniq ulluuneranilu paarsisartunin nakkutilliineq pillugu ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq.

Suliamik saqqummiussineq

Meeqqanut sulii atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 5, imm. 2 naapertorlugu, kommunalbestyrelsiup meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai. Meeqqanik angerlarsimaffimmi paarsisoqartillugu, ukiumut sisamariarluni nakkutilliilluni orninneqartassapput, taakkunanngalu ataasiarluni siumoortumik nalunaaqqaarani nakkutilliisoqartassalluni.

Kommuneqarfik Sermersooq meeqqanut sulii atualinngitsunut perorsaanikkut inerikkiartuutaasunik arlalinnik paaqqutarinninnissamat neqerooruteqarpoq, tassanilu Ulluunerani paaqqinnittarfinnut Immikkoortortaqaarfimmit 2020-p ingerlanerani nakkutilliineq ingerlanneqarpoq. COVID19-ip kingunerisaanik atugassarititaasut tunngavigalugit periarfissatigut nakkutilliinerit ingerlanneqarput.

Ulluunerani paaqqinnittarfinnut Immikkoortortaqaarfimmi taamaalilluni 2020-p ingerlanerani pingasunik nalinginnaasunik nalunaarutigineqarsimasunillu, kommunimi nunaqarfinni sisamani neqeroorutini, nakkutilliinerit ingerlanneqarput. Tassunga atatillugu Ulluunerani paaqqinnittarfinnut Immikkoortortaqaarfik Kulusummi ulluunerani paarsisartunut tunngatillugu nalinginnaasumik nalunaarutigineqarsimasumillu nakkutilliinermik ingerlatsivoq. Kommunimi Nuup avataani ulluunerani paarsisartunit sisamaasunit pingasuni oqarasuaatikkut nakkutilliinerit ingerlanneqarput. Tamatuma saniatigut Nuummi ulluunerani paarsisartuni namminersortuni marluusuni ataavartumik nakkutilliisarnertit ingerlanneqartarput.

Nunaqarfinni neqeroorutit

Nunaqarfinni neqeroorutit meeqqanut ukioqanngitsuniit arfinilinnik ukiulinnut atuupput, taakkulu nunaqarfinni atugassarititaasunut naleqqussagaapput. Taakku Kuummiuni, Sermiligaami, Isertumi aamma Tiilerilaamilu atornerqarput. Nunaqarfinni neqeroorutini immikkut sulisut pingasunut amerlassusiligaapput, aamma ulloq 8. juuli 2021-mi neqeroorutini sisamaasuni meeqqat nalunaarsorneqarsimasut 30-upput. Nunaqarfinni neqeroorutini nakkutilliinerit aqutsisumit aamma/imaluunniit Tasiilami Dronning Ingridip Meeqkeriviani sulisunit, Meeqqanut Atuarfeqarnermullu Ingerlatsivimmi perorsaanikkut siunnersortimut ingerlatiteqqittartunit, ingerlanneqartarput.

2020-mi aggustimi Kuummiunut, Tiilerilaamut Isertumullu nakkutilliartorluni tikeraartoqarpoq. Nakkutilliinerni taakkunanani nalunaarsuinerit pingaarnersaat illunin pequtinillu aserfallatsaaliuinerimi amigaataasut pineqarput. Nunaqarfinni neqeroorummi ataatsimi ikuallattoornermi qatserutip immersimanngitsoq pineqarpoq. Neqeroorutini marlunni sulisunut tunngasut pineqarput, neqeroorummi ataatsimi sulisumik ataatsimik sulisut amerlineqartariaqarneranut tunngassuteqarpoq kiisalu neqeroorummi allami pedelimik ataatsimik atorfinitsitsisoqarnissaanut



tungassuteqarpoq. Atualerneqanngitsut tamarmik pillugit atualernissamut piareersimanermik misissuinerit (SPU) 2020-mi ingerlanneqarput.

Nunaqarfinni neqeroorutini sisamaasuni sulisut tamarmik Perorsaanikkut tungaviit arfineq-marluk pillugit pikkorissarnissamut neqerooruteqarfigineqarput aamma llinniartitaanermut Aqutsisoqarfimmit ingerlanneqartumik Teamcoaching pillugu, Tasiilami 2020-mi aggustimi ingerlanneqartussaagaluartumik, pikkorissarnissamut neqerooruteqarfigineqarput. COVID19-ili pissutigalugu tamanna kinguartinneqarpoq. 2021-mi upernaakkut Sermiligaami, Kuummiuni Tiilerilaamilu nunaqarfinni neqeroorutit Tasiilami meeqqerivimmi sulisumit aamma pulaarneqarput. Tassani sulisup ilaatigut meeqqat ineriartornerisa killiffiik nalilersuinerimut atortunik sulisunut ilitsersuuppai kiisalu meeqqat angajoqqaavi peqatigalugit angajoqqaanik oqaloqatiginninnermi peqataavoq.

Maannakkut Ingerlatsivimmit, Tasiilami Dronning Ingridip Meeqqeriviata aqutsisua suleqatigalugu, nunaqarfinnut neqeroorutinit periusissiatut pilersaarummik suliaqartoqarpoq. Suliap taassuma ilagaa, 2020-mi nakkutillinnermi pulaarnerit kiisalu 2021-mi pulaarnerit tungavigalugit, nunaqarfinni neqeroorutinit iliuusissatut pilersaarusernerit.

Angerlarsimaffinni paarsisartunik aaqqissuut

Angerlarsimaffimmi paarsisarneq meeqqanut ukioqanngitsuniit arfinilinnut ukiulinnut neqeroorutaavoq. Kommuneqarfik Sermersuumi Nuummi marlunnik angerlarsimaffimmi paarsisoqarpoq aamma Kulusummi, Arsummi, Qeqertarsuatsiaani Kapisilinnilu sisamanik angerlarsimaffimmi paarsisartoqarpoq. Nuummi meeqqat angerlarsimaffimmi paarsisartup nammineq angerlarsimaffiani paarineqartarput, nunaqarfinnilu angerlarsimaffimmi paarsisartut atorsinnaasaannik illoqarpoq.

2021-mi juulimi Nuummi angerlarsimaffimmi paarsisartuni marlunni tallimanik meeqqanik nalunaarsukkanik peqarpoq, nunaqarfinnilu angerlarsimaffimmi paarsisartuni sisamaasuni meeqqat katillugit 28-t nalunaarsorsimapput. Nunaqarfinni sulisut amerlassusilerneqarneranut tungatillugu angerlarsimaffimmi paarsisumut ataatsimut meeqqat sisamaassapput. Nuummi angerlarsimaffimmi paarsisartunut namminersortunut kiisalu nunaqarfinni Arsummi, Qeqertarsuatsiaani Kapisilinnilu angerlarsimaffimmi paarsisartunut nakkutillisarneq perorsaanermi siunnersortimit isumagineqartarpoq. Kulusummi angerlarsimaffimmi paarsisartunik nakkutillineq Tasiilami Dronning Ingridip Meeqqeriviani aqutsisumit isumagineqartarpoq.

Nuummi kiisalu Arsummi, Qeqertarsuatsiaani Kapisilinnilu angerlarsimaffimmi paarsisartut

Angerlarsimaffimmi paarsisartunut ukiumoortumik pilersaaruserioqarneq ajorpoq, taamaattorli meeqqanut sammisassaqaartitsinernut tungatillugu sapaatip-akunneranut pilersaarutit tungavigalugit perorsaanikkut najoqutassaqaqartarpoq. Taamaattorli siunissami angerlarsimaffimmi paarsisartunit ukiumoortumik pilersaarutit annertunerusumik atornerulerulernissaat kissaatigineqarpoq.

Angerlarsimaffimmi paarsisartuni meeraq immikkut pisariaqartitsisuuppat angajoqqaat ataatsimiigiquneqartarput. Tassunga atatillugu angerlarsimaffimmi paarsisartunit meeqqap ineriartornissaanut tungatillugu ataatsimut iliuusissat angusallu pillugit angajoqqaanik suleqateqalernissaq aallartinniarneqartarpoq. Meeqqamut suliniut ataavartumik nalilersorneqartarpoq, MISI-lu pisariaqaraangat peqataatinneqartarpoq. Taamaattorli Nuummi angerlarsimaffimmi paarsisartut iliuusissanik pilersaaruserioqarnerimut tapersersorneqarnissartik pisariaqartippaat, tamatumunngalu perorsaanikkut siunnersortip qanoq iliortoqartarneranik takutissavai. Nunaqarfinni angerlarsimaffimmi paarsisartut qanoq MIIM 3&5 atornerqartarnerisooq paaserusuppaat, perorsaanikut siunnersortillu nakkutillinnermut atatillugu takutissavaa.



Meeqqat atualinnginneranni atualernissamut piareersimanermik misissuinerit (SPU) ingerlanneqartarput. Taakku atorlugit meeqqat atualernissamut piareersimanerunissaannut angajoqqaat suleqatigalugit iliuuseqartoqassanersoq nalilersuisoqartarpoq. Nalinginnaasumik angajoqqaanik suleqateqartarnermut tunngatillugu, ulluinnarni kiisalu meeqqat ineriartortinneqarnissaannut tunngatillugu, qanimut illuatungeriillu tamanit suleqatigiittoqartarpoq nassuiaatigineqarpoq.

Angerlarsimaffimmi paarsisartut pikkorissartinneqartarneranni nunaqarfinni angerlarsimaffimmi paarsisartunit kissaatigineqarpoq, ullumikkut taamaattoqannginnami. Nunaqarfinni nerisassanik inniminniisarnernut tunngatillugu nerisassat akiisa qaavatigut annertuumik akiliuteqartitsisoqartarpoq. Nunaqarfinni tamani init atorneqartarput nungullarsimasutut nassuiaatigineqarput, Qeqertarsuatsiaanilu barnevogninut qui ujartorneqarpoq. Kapisilinni immikkut erumassutaavoq kissarsuut uuliatortoq kiisalu piffissap ilaani anorip sammivia apequtaatillugu sakkortuumik avaangunartumillu tipeqartarpoq.

Kulusummi angerlarsimaffimmi paarsisarneq

Kulusummi angerlarsimaffimmi paarsisartut pillugit 2020-mi nakkutilliinermi nalunaarsukkat aserfallatsaaliuisimanginnernut pequtinullu tunngassuteqarnerupput.

Pissutsit allat

Ulluunerani paaqqinnittarfinnut Immikkoortortaqaqarfinnit nunaqarfinni paaqqinnittarfinnut neqeroorutinut tunngatillugu nakkutilliinermi assigiissaartumik skemamik peqarsimanngitsoq erseqqissaatigineqassaaq. Maanna suliarineqareerpoq, matumanilu suliassamik saqqummiussinermi ilanngussatut ilanngunneqarluni. Tamatuma saniatigut Kuummiini, Tiilerilaami Sermiligaami nunaqarfinni neqeroorutinut aqutsisumut kiisalu Kulusummi angerlarsimaffimmi paarsisarnermut atorfirmut atuuffimmullu nassuiaammik peqarsimanngilaq. Tamanna aamma suliarineqareerpoq, matumanilu suliassamut saqqummiussinermi ilanngussatut ilanngunneqarluni.

Ingerlatsivimmit aningaasatigut sulisoqarnikkullu naliliinerit

Pisariaqanngilaq

Suliffeqarfirmut Kiffartuussivimmit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppernarsaatitalit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq

Ilanngussat

1. Kuummiini Tiilerilaamilu nunaqarfinni neqeroorutinut kiisalu Kulusummi angerlarsimaffimmi paarsisartunut nakkutilliinermi nalunaarusiaq
2. Nuummi kiisalu Arsummi, Qeqertarsuatsiaani aamma Kapisilimmi nakkutilliinermi nalunaarusiaq
3. Nunaqarfinni neqeroorutinut aamma angerlarsimaffimmi paarsisartunut nakkutilliartornermut skema
4. Kuummiini, Tiilerilaami Sermiligaami nunaqarfinni neqeroorutinut aqutsisumut kiisalu Kulusummi angerlarsimaffimmi paarsisarnermut atorfirmut atuuffimmullu nassuiaat

Punkt 5: Atuarfik Ukaliusaq pillugu nakkutilliinermi nalunaarussiaq

Beslutning

Ilisimatisissut tusaatissatut tiguneqarpoq.

Bilag

Atuarfik Ukaliusaq pillugu nakkutilliinermi nalunaarussiaq.



Atuarfik Ukaliusaq pillugu nakkutilliinermi nalunaarusiaq

Ilisimatitsissut

SagsID: EMN-2021-12242

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Atuarfik Ukaliusaq pillugu nakkutilliinermi nalunaarusiaq tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsisaat nr. 15, 3. decembari 2012-imeersoq § 43 naapertorlugu Kommunalbestyrelse ataavartumik atuariit ingerlanneqarnerannik nakkutillisussaataivoq. Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuariini ukiumut ataasiarluni nakkutilliartortarnissaq siunniunnikuuaa.

Ulloq 8. februaari 2021 Atuarfeqarnermut Immikkoortortaq Atuarfik Ukaliusamut siumut ilimasaareqqaarluni nakkutilliartorpoq.

Atuarfik katillugu 438-nik, nalinginnaasumik klassini 20-ni kiisalu immikkut ittumik klassinut pingasunut agguataarneqarsimasuni, atuortoqarpoq. Klassinut amerlassusiliineq malillugu nalinginnaasumi klassimi atuartut 20,85-iupput kiisalu immikkut ittumik klassini atuartut arfineq-marluupput. Atuarfik pisortamit ataatsimit, pisortap tullianik ataatsimik immikkoortunilu pingasuni aqutsisunit aqunneqarpoq, atuarfimmilu atorfii amerlassusiligaanerat tassaapput piffissaq tamakkerlugu ilinniartitsisut aqutsisullu 46-t. Tamatuma saniatigut atuariup siulersuisuinik aamma elevrådinik peqarpoq.

Atuartitsinermit piffissamut tunngatillugu atuarfeqarnermut inatsimmi atuartunut nalinginnaasunut aamma immikkut ittumik klassinut minnerpaassutsimut piumasaqaat malinneqarpoq. Ukiup atuariusup affaanut, ukiumut kiisalu sapaatip-akunneranut atuartitsinermit sammisasaqartitsinernullu pilersaarasiat aaqjissuunnerannut atorneqartarput.

Atuarfeqarnermut inatsimmi anguniakkanut atuartullu atugaannut tunngatillugu atuartut fagini angusaat, inatsimmi minnerpaaffissatut piumasaqaatit malillugit, ukiumut marloriarlutik nalilersorneqartarput. Tassunga ilutigalugu atuariup angerlarsimaffiullu akornanni oqaloqatiginninnerit ukiumut marloriarluni ingerlanneqartarput.

Ataatsimut isigalugu fagini tuluttut qallunaatullu angusat pitsaasuupput kiisalu 3. aamma 7. klassimi alloriarfimmis misilitsissutinut atatillugu matematikimi angusat siuariaateqarsimapput. Soraarummeerlutik atuartut atuareernerup kingorna tamangajammik ilinniarnermik sulinermilluunniit aallartitsipput. Ataasiakkaanut atuartunut tunngatillugu, 10. klassip kingorna sulilersimannigtsunut ilinnialersimannigtsunulluunniit, iliuusissanut pilersaarutit ataasiakkaat tigoqqinngitsoorneqarsimapput.

COVID-19 pissutigalugu ukiumi atuariusumi 2019-2020-mi inaarutaasumik misilitsitsisoqanngilaq.

Atuartut atuanngitsoortarnerat pillugu qaammammut nalunaarusiortoqartarpoq, atuartullu atuanngitsookulasut ataavartumik eqqumaffigineqartarput, soorlu atuarfimmitt assigiinngitsutigut suliniuteqarfigineqartarput.



Taamaattorli nakkutilliarernerup nalaani Atuarfeqarnermut Immikkoortorta qarfimmit atuartitsinissamut akunnerit aningaasaliiffigineqarsimasut tamakkernagit atorneqarsimasut maluginiarneqarpoq.

Nakkutilliarernermi atuarfimmi siulersuisut atuartut anitsiarfinni sumiiffissaannik ujartuisut, paasissutissiissutigineqarpoq, atuarfiup saava tamarmi, nutaamik atuarfiliorneq pissutigalugu, sanaartorfiummat.

Ataatsimut isigalugu Atuarfik Ukaliusaq ingerlalluartutut isigineqarpoq, ulluinnarni atuarfimmi aqutsisut alloriarfinnilu aqutsisut qanimut suleqatigiittarput. Atuarfimmi malittarisassat tamarmik allattorsimallutillu siunertai malillugit atorneqarput. Suut tamarmik aaqqissuussaapput. Taamatuttaaq atuarfimmi anguniakkanik suliniuteqarfinnillu aqutissiuussisunik aqutsisoqartoq malugineqarsinnaavoq. Naak atuarfik nutaanngitsuugaluartoq, init pisatallu paarilluagaapput.

Ingerlatsivimmit aningaasatigut sulisoqarnikkullu naliliinerit

Pingaarteqanngilaq

Suliffeqarfimmut Kiffartuussivimmit aningaasatigut naliliineq

Pingaarteqanngilaq

Inatsisitigut tunngavissaq allakkallu tunngaviusumik uppersaatitalit

- Atuarfik pillugu Inatsisartut inatsississaattut siunnersuut nr. 15, 3. December 2012-meersoq
- Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq

Ilanngussat

1. Atuarfik Ukaliusaq pillugu nakkutillinerimi nalunaarusiaq

Punkt 6: KAA-mi suleqatigiinnissamut isumaqatigiissutip aamma ataatsimut iliuusissatut ilitsersuutip atortussanngortinneqarnera

Beslutning

Ilisimatitsissut tusaatissatut tiguneqarpoq.

Bilag

Kommuneqarfik Sermersuup, Kalaallit Nunaanni Politiit aammalu Kalaallit Nunaanni Peqqinnissaqarfiup akornanni suleqatigiinnissamik isumaqatigiissut

Oqartussanut suliassaqarfimmilu sulisunut iliuusissatut ilitsersuut.



KAA-mi suleqatigiinnissamut isumaqatigiissutip aamma ataatsimut iliuusissatut ilitsersuutip atortussanngortinneqarnera

Ilisimatitsissut

SagsID.: EMN-2021-12877

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Ilaqutariinnullu Ingerlatsiviup aamma Meeqqanut Atuarfeqarnermullu Ingerlatsiviup

Meeqqanut Ilaqutariinnullu Ataatsimiititamut aamma Meeqqanut Atuarfeqarnermullu

Ataatsimiititamut inassuteqaatigaat:

- KAA-mi Suleqatigiinnissamut isumaqatigiissut aamma ataatsimut iliuusissatut ilitsersuut tusaatissatut tiguneqassasoq.
- suliaq Aningaasaqarnermut Inuusutissarsiornermullu Ataatsimiititamut ilisimatitsissutit ingerlateqqinneqassasoq.

Suliassamik saqqummiussineq

2020-mi Meeqqanut Ilaqutariinnullu Ingerlatsivik, Meeqqanut Atuarfeqarnermullu Ingerlatsivik, Kalaallit Nunaanni Politiit aamma Kalaallit Nunaanni Peqqinnissaqarfik peqatigalugit suliassaqarfiit akornanni suleqateqalerpoq, ulluinnarni KAA-mik taaneqartartumik, matumani Nuummi meeqqanut inuusuttunullu kinguaassiuutitigut atonerluisarnerup akiorneqarnissaa siunertaalluni.

Kommunimi upalungaarsimasunik pilersitsinikkut suleqatigiinneq piviusunngortinneqarpoq, tassani siunertaalluni:

- Immikkoortuni ataasiakkaani siusissukkut paasisaqartarnek pitsaaliuinermillu suliniuteqarneq pitsanngorsarneqassasoq
- Nuummi immikkoortut akornanni meeqqanik inuusuttunillu kinguaassiuutitigut atonerluinermik suliani annertunerusumik ataqatigiissaarinissamik qulakkeerinnittoqassasoq.
- Meeqqanik inuusuttunillu kinguaassiuutitigut atonerluinermik suliani eqqortumik sullissinermik qulakkeerinnittoqassasoq.
- Sulisunut meeqqanik inuusuttunillu, kinguaassiuutitigut atonerluisoqarsimaneranik ilisimaneqartunik pasitsaasaqartoqarneranilluunniit, sullissisunut ataatsimut najoqqutassanik suliaqartoqassasoq.
- Suliap ingerlanerani meeqqap/inuusuttup katsorsarneqarnissaanut neqeroorteqartoqarnissaanik qulakkeerinnittoqassasoq.

Suliassaqarfiit assigiinngitsut akornanni suleqatigiinneq, KAA, suleqatigiinnermut isumaqatigiissummi atuutilersinneqarpoq, matumani suliassaqarfiit immikkut ilaasortaqaartunit aqutsisooqatigiinnit isumaqatigiissutigineqarpoq.

Suliassaqarfiit assigiinngitsut akornanni suleqatigiinnermi naammassisat ilagaat upalungaarsimanermut pilersaarut - sulisunut oqartussanullu meeqqanik inuusuttunillu sullissisunut ataatsimut iliuusissatut ilitsersuut.

Iliuusissatut ilitsersuut sisamanik assigiinngitsunik immikkoortoqarpoq:

- Taaguutit nassuiaataat kinguaassiuutitigullu atonerluisarneq pillugu ilisimasat, kiisalu inatsisitigut aalajangersakkat attuumassuteqartut.
- Kinguaassiuutitigut atonerluinermik siusissukkut paasiniaanermut atatillugu inassuteqaatit ilisimasallu.



- Kinguaassiutitigut atonerluisoqartarneq pillugu ilisimasaqarnikkut pasitsaassinermiluunniit iliuuseqarnissamut aqqutit sulianullu tunngatillugu suleriaatsit.
- Meeqqamut kinguaassiutitigut atonerlunneqarsimasumut katsorsaansissamut periarfissat, innersuussutigineqarsinnaasut, takussutissiartaat.

Iliuusissatut ilitsersuut suliassaqaqfinni tamani sulisut akornanni 2021-p ukiaanerani atuutilersinneqarnissaa naatsorsuutigineqarpoq.

Iliuusissatut ilitsersuut iluaqutigalugu suliassaqaqfiit akornanni ersarinnerulersitsisoqarnissaa kiisalu atonerluinermut tunngasunik suliqaqarnermi, meeqqap ajunnginnerpaamik atugaqarnissaa pingaartinnerullugu, pitsaanerusemik ataqatigiissaarisooqarnissaa qulakkeerneqassasoq nalilerneqarpoq.

Ingerlatsivimmit aningaasatigut sulisoqarnikkullu naliliinerit

KAA-mik suleqatigiinneq immikkut aningaasaliiffigineqanngilaq. Aningaasartuutaasimasut ataasiakkaat, soorlu siunnersortinut il.il. aningaasartuutit, maannamuugallartoq Meeqqanut Ilaqutariinnullu Ingerlatsivimmit akilerneqartarput.

Suliffeqaqfimmu Kiffartuussivimmit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppersaataitallit

- o Meeqqat Ilaqutariillu inuuniarnermikkut ajornartorsiuteqartut pillugit politikki
- o Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq.

Ilanngussat

1. Kommuneqaqfik Sermersuup, Kalaallit Nunaanni Politiit aammalu Kalaallit Nunaanni Peqqinnissaqaqfiup akornanni suleqatigiinnissamik isumaqatigiissut
2. Oqartussanut suliassaqaqfimmilu sulisunut iliuusissatut ilitsersuut.

Punkt 7: Kommuneqarfik Sermersuumi Inuit innarluutillit pillugit Siunnersuisoqatigiinnut qinigassanngortittunik innersuussineq

Beslutning

Ilisimatitsissut tusaatissatut tiguneqarpoq.



Kommuneqarfik Sermersuumi Inuit innarluutillit pillugit Siunnersuisoqatigiinnut qinigassanngortittunik innersuussineq

Ilisimatitsissut

SagsID.: EMN-2021-11568

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- innarluutillit kattuffiisa aamma Meeqqanut Atuarfeqarnermullu Ingerlatsiviup Inuit innarluutillit pillugit Siunnersuisoqatigiinnut inassuteqaataat Meeqqanut Atuarfeqarnermullu Ataatsimiititaliap tusaatissatut tigussagai.
- suliaq Aningaasaqarnermut Inuussutissarsiornermullu Ataatsimiititamut ilisimatitsissutitut ingerlateqqinneqassasoq
- Inuit innarluutillit pillugit Siunnersuisoqatigiinni Kommunalbestyrelsemit sinniisussamik aalajangiinissaq siunertaralugu suliaq Kommunalbestyrelsimut ingerlateqqinneqassasoq.

Suliassamik saqqummiussineq

Kommuneqarfik Sermersuup 2013-imi Inuit innarluutillit pillugit Siunnersuisoqatigiit pilersippai, siunertaavorlu Kommunalbestyrelsimut inuit innarluutilinnut tunngatillugu siunnersuisarnissaq. Inuit innarluutillit pillugit Siunnersuisoqatigiit Kommuneqarfik Sermersuumi inuit innarluutillit aamma Kommunalbestyrelsip akornanni atassuteqaataapput, atuuffiminni inuit innarluutilinnut tunngasunik paasititsiniaaqataallutillu oqallitsitsisinnaasut, taamalu kommunimi inunnut innarluutilinnut atugassarititaasunik siuarsaasinnaallutillu suliassaqarfimmi politikikkut oqallinnernik pitsaanerulersitsillutik.

Inuit innarluutillit pillugit Siunnersuisoqatigiit kommunalbestyrelsimut piffissaq qinigaaffiusoq malillugu atuuffeqarput, tamannalu pillugu Meeqqanut Atuarfeqarnermullu Ingerlatsivimmit matumuuna kommunimut 2021-mi apriliimi qinersereernerup kingorna Inuit innarluutillit pillugit Siunnersuisoqatigiinnut ilaasortassanik inassuteqaateqarpoq.

Inuit innarluutillit pillugit Siunnersuisoqatigiinnut ileqqoreqqusat malillugit siunnersuisoqatigiit sisamaniit arfineq-pingasunut ilaasortaqaassapput, amerlaqatigiinnillu inuit innarluutillit kattuffiinit kommunimilu ingerlatsivinni sinniisunit ilaasortaqaassaaq - tassangaaniillu ilaasortaqaataaseq Kommunalbestyrelsimi ilaasortaassaaq. Tamatuma saniatigut arfineq-pingasut tikillugit sinniisunik toqqaasoqarsinnaavoq, taakkulu Inuit Innarluutillit pillugit Siunnersuisoqatigiittut amerlaqatigiinnik inuit innarluutillit kattuffiinit kommunimilu ingerlatsivinnit sinniisunik ilaasortaqaassapput. Inuit innarluutillit pillugit Siunnersuisoqatigiinnit sapinngisamik inuit innarluutilinnit assigiinngitsunit kommunimilu immikkoortunit assigiinngitsunit sinniisoqarnissaa anguniarneqarpoq.

Suliffeqarnermut Isumaginninnermullu Ingerlatsivik Innarluutilinnut tarnikkut nappaatilinnullu Immikkoortortaqarfimmut fagchefimik innersuussivoq (inuttaqanngikkallarpoq), Meeqqanut Ilaqutariinnullu Ingerlatsivimmit Vivi Christiansen innersuunneqarpoq kiisalu Meeqqanut Atuarfeqarnermullu Ingerlatsivimmit Riikki Grønvold innersuunneqarluni.

Inuit innarluutillit pillugit kattuffiit sinniisussanik sisamanik ataani allassimasunik innersuussipput:

Ateq	Peqatigiiffik/ingerlatsivik
-------------	------------------------------------



Karin Pedersen Thorsen:	Inooqat – Ineriartormermikkut akornutilinnut angajoqqaajusut peqatigiiffiat
Lisa Nielsen	Kalaallit Tusilartut Kattuffiat – Døveforeningen i Grønland
Arnajaaq Lynge	Nuna tamakkerlugu kattuffik Autisme – Sumiiffik Kalaallit Nunaat
Cecilie Marie Jakobsen	NIIK aamma Sugisaq – Kalaallit Nunaanni Inuit innarluuteqartut Kattuffii aamma Tarnimikkut eqqarsartaatsimikkullu nappaatillit ilaqutaasalu peqatigiiffiat
Inuttaqanngikkallarpoq	Suliffeqarnermut Isumaginninnermullu Ingerlatsivimmi Innarluutilinnut tarnikkut nappaatilinnullu Immikkoortortaqaarfimmi fagcheffi.
Vivi Christiansen	Meeqqanut Ilaqutariinnullu Ingerlatsivimmi Innersuussisartarfimmi suleqatigiini aqutsisoq
Riikki Grønvold	Meeqqanut Atuarfeqarnermullu Ingerlatsivimmi Atuarfeqarnermut immikkoortortami fagcheffi
	Kommunalbestyrelsimi ilaasortaq

Matumani Kommunalbestyrelsemit kina Inuit innarluutillit pillugit Siunnersuisoqatigiinni ilaasortaassanersoq Kommunalbestyrelsip aalajangissavaa. Taamaattumik Meeqqanut Atuarfeqarnermullu Ingerlatsiviup tamanna aalajangerneqarniassamat suliaq Kommunalbestyrelsemut ingerlateqqinneqassasoq inassuteqaatigaa

Ingerlatsivimmit aningaasatigut sulisoqarnikkullu naliliinerit

Innarluutillit pillugit siunnersuisoqatigiinnut qinersinerit kommunimut aningaasatigut sulisutigulluunniit kinguneqarnissaa naatsorsuutigineqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- Kommuneqarfik Sermersuumi Innarluutillit pillugit Siunnersuisoqatigiit ileqqoreqqusaat

Ilanngussat

Ilanngussaqaanngilaq.

Punkt 8: Atuartut angerlarsimaffii pillugit immikkoortumut pilersaarut

Beslutning

Inassuteqaat akuersissutigineqarpoq.

Bilag

Atuartut angerlarsimaffii pillugit Immikkoortumut pilersaarutitut siunnersuut.pdf



Atuartut angerlarsimaffii pillugit immikkoortumut pilersaarut

Aalajangiiffigisassaq

Suliap ilisarnaataa: EMN-2020-29072

Meeqqanut Atuarfeqarnermullu Ingerlatsivik – Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Immikkoortumut pilersaarummut siunnersuut akuerineqassasoq

Suliassamik saqqummiussineq

Meeqqanut Atuarfeqarnermullu Ingerlatsivik kommunimi elevhjemminut marlunnet Nuummi Tasiilamilu immikkoortumut pilersaarummut siunnersuusiornikuuvoq. Immikkoortumut pilersaarummi matumani siunertarineqarpoq siunissami atuartut ineqarfiini marlunni ineriartortitsinissamat suliniutinut qitiusumik pilersaarusiornermi aqutsinermilu atorineqarnissaa. Ineriartortitsinermi suliniutit tamakkua tamamik atuartut, atuartut angerlarsimaffiini najugaqarnerini pitsaassutsumik qaffaasaanissamik aammalu kommunimi atuartut angerlarsimaffiini marluusuni atuartut amerlanerit soraarummeerutaasumik misilitsinnissaminnik angusinissaannut aalajangiusimanninnissamat qulakkeerinissamullu suleqataanissaq siunertaapput. Tamatumani eqqarsaatigineqarpoq Kommuneqarfik Sermersuumi inuusuttut amerlanerit meeqqat atuarfianni soraarummeereerunik ilinniagaqalersinnissaat imaluunniit ataavartumik suliffeqalersinneqarnissaat.

Kalaallit Nunaanni Kommuneqarfik Sermersuumilu atuartut angerlarsimaffiiniq siusinnerusukkat misissuinerni takuneqarsinnaavoq, atuartut angerlarsimaffiisa pitsaassusiisa qaffassarnissaat tamanit pisariaqartinneqartoq. Pingaarnertut oqaatigalugu aqutsinermut tunngasut, perorsaanermut tunngasut atuarfimmilu suliassanut aammalu sanaartornermut tunngasut eqqarsaatigalugit.

Aammalu Namminersorlutik Oqartussaniit atuartut angerlarsimaffii pillugit nalunaarut 2021/22-mi atuutilersussaq nutaaq utaqqineqarpoq, tamatumalu kingunerisaanik atuartut angerlarsimaffiini nutaanik sukannernerusunillu piunasaqaateqartoqalernissaa naatsorsuutigineqarpoq.

Meeqqanut Atuarfeqarnermullu Ingerlatsiviup, kommunimi atuartut angerlarsimaffiini marluusuni aqutsisut suleqatigalugit misissuisimanagerit tunngavigalugit, atuartut angerlarsimaffiisa siunissami ineriartortinneqarnissaannut pingaarnertut qitiutinneqartussat katillugit tallimat eqqaanikuuai. Qitiutinneqartut tallimat tassaapput:

- 1) Sulisunik ineriartortitsineq sullivimmilu pitsaasunik atugassaqaartitaaneq
- 2) Atuartunut perorsaanikkut atuagarsornikkullu sinaakkutit eqqortut
- 3) Peqqissuseq atugarissaarnerlu
- 4) Atuartut angerlarsimaffiisa initali aqqissugaanerallu
- 5) Ingerlatsiviit oqartussaasullu assigiinngitsut akimorlugit nukittunerusumik suleqatigiinneq

Qitiutinneqartunut tallimanut taakkununga erseqqissumik suliniutissat ilaatinneqarput, ukiuni arlalinni kommunimi atuartut angerlarsimaffiini marluusuni aqutsisut suleqatigalugit atuutilersinneqartussat. Meeqqanut Atuarfeqarnermullu Ingerlatsiviup suliniutit



atuutilersinneqarnissaannut pingaarnertut akisussaaneq aqutsinerlu pisussaaffigissavaa, taakkununga ilanngullugu suliniutit atuutilersinneqarnissaannut aaqjissuussinerit nalilersuinerillu.

Immikkoortumut pilersaarummi suliniutissat erseqqissut atuutilersinneqarnissaat eqqarsaatigalugu, Meeqqanut Atuarfeqarnermullu Ingerlatsiviup erseqqissaatigissavaa, immikkoortumut pilersaarummi kommunip atuartunut angerlarsimaffiutaanni marlunni sivisuumik ineriartortitsinissamut suliaqarnermi taamaallaat alloriarneq siulleq aallarnisaataasorlu pineqartut. Alloriarnerup imaluunniit immikkoortup tullia tassaassaaq atuartut angerlarsimaffiitut taakkununga immikkoortumut pilersaarutini suliniutissat atuutilersinneqarnissaannut iliuusissat pilersaarutitik erseqqissunik suliaqarnissaq.

Iliuusissat pilersaarutit taakkua siunertaraat suliniutissat ataasiakkaat sulinerlutik ilanngunnissaat aammalu najoqqutassat pisariaqartitalu, kommunimi atuartut angerlarsimaffiini taakkunani atuuttussat nutsertinneqarnissaat. Taakkununga ilanngullugit immikkoortumut pilersaarummi suliniutit ilaat, maannakkorpiaq erseqqissaaffigineqartariaqarput, qulaajarneqartariaqarlutik atuutilersinnissaallu sioqqullugit misissorneqartariaqarlutik. Taamaattorli tassunga atatillugu oqaatigineqassaaq, immikkoortumut pilersaarummi suliniutit erseqqissut ilaasa suliarinerat maannakkut aallartinneqareermata, taamaaliornissaq periarfissaalertillugu.

Meeqqanut Atuarfeqarnermullu Ingerlatsiviup naatsorsuutigaa, atuartut angerlarsimaffiitut marlunnut iliuusissat pilersaarutitik marlunnik suliaqarnermut atatillugu suliaqarnissaat aallartinneqarnissaannut atatillugu sulisoqarnikkut aningaasatigullu sunarpiat attuumassuteqarnerisut, immikkoortumut pilersaarutit iluani suliniutit qitiutinneqartuni suliniutigineqartussanilu inaarutaasumik aallartinneqarnissaannut atatillugu.

Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsiviup nalilerpa, immikkoortumut pilersaarummi suliniutissat atuutilersinneqarnissaannut piareersaataasumik iliuusissat pilersaarusiornissaq sapinngisamik missingersuutit iluanni ingerlanneqassasoq.

Suliffeqarfimmut Kiffartuussivimmit aningaasatigut naliliineq

Aallaavittut Meeqqanut Atuarfeqarnermullu Ingerlatsiviup immikkoortortamut pilersaarummi suliniutissat arlallit missingersuutit iluannit naammassisinnaavai. Suliniutit, missingersuutit pioreersut iluannit aaqqinneqarsinnaangitsut aallartinneqannginnerani, ilassutitut aningaasaliiffigineqarnissamik imaluunniit missingersuutitut siunnersuutitut qinnuteqaatigineqassapput.

Inatsisitigut tunngavissaq allakkallu tunngaviumik uppersaatitalit

- Atuarfik pillugu Inatsisartut inatsisissaat nr. 15, 3. december 2012-imeersoq
- Uunga siunnersuut: Atuartut angerlarsimaffianniittarneq pillugu Namminersortutik Oqartussat nalunaarutaat nr. xx, xxx-mi 2020-meersoq

Ilanngussat

- Atuartut angerlarsimaffii pillugit Immikkoortumut pilersaarutitut siunnersuut

Punkt 9: Meeqquerivik Mikemi inimik matusigallarneq - Paamiut

Beslutning

Inassuteqaat akuersissutigineqarpoq. Siumumiit ikinnerussuteqartutut oqaaseqaatitalerlugu:
Aningaasat sipaarneqartut aamma meeqqanut Paamiuni neriunnarpoq, kissaatginarporlu atorneqarnissai.



Meeqqerivik Mikemi inimik matusigallarnek - Paamiut

Aalajangiiffigisassaq

SagsID.: EMN-2021-12696

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- meeqqerivik Mikemi inimik ataatsimik matusigallarnissaq akuerineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Meeqqerivik Mike Paamiuniittoq meeqqanut 3-nit 6-inut ukiulinnut 66-inik inissaqarpoq. Meeqqat ininut sisamanut agguataarsimapput. Meeqqanik paaqqinnittarfimmi sulisussat 15-inut inuttaligaapput, aqutsisoq ilanngullugu. Paamiuni innuttaasut amerlassutsimikkut apparitorput, taamaalillunilu ulloq 15. aggusti 2021-mi meeqqat taamaallaat 43-t allatsissimapput, ulluuneranilu paaqqinnittarfinnut meeqqanik utaqqisunut allattorsimaffimmiittoqanngilaq. Taamaattumik massakkut pisariaqartitsineq malillugu ulluunerani paaqqinninnissamut neqeroorutit naleqqussartariaqarput.

Inunnik nalunaarsuisarfik malillugu 2016-imiit 2018 ilanngullugu Paamiut illoqarfianni nalunaarsorneqarsimasut katillugit 44-t nalunaarsorneqarsimapput.

Meeqqat tamarmik 2018-imi inunngortut meeqqerivimmuut nooreerput. Ataasiakkaaqarpoq 2019-ip aallartinnerani inunngorsimasunik, taakkulu 2021-p naanerani meeqqerivimmuut nuussangatinnearput, massakkuugallartorli meeqqat taamaallaat 43-t Mikemut nalunaarsimammata meeqqat taakkua nuunneqarsinnaapput, meeqqerivik meeqqanut 51-inut inissaqartitsisutut inissinneqarpat.

Pisariaqartitsisoqalersinnaanera, meeqqanut 66-inut inissaqartitseqqilernissamut, aatsaat 2022-mi pisinnaavoq. 2022-p ingerlanerani Paamiuni meeqqat katillugit 23-t meeraaqqerivimmiit Meeraq-miit meeqqerivimmuut nuussapput meeqqerivimmiittullu 13-it piffissami tassani Mike-miit atuartunngussapput. Taamaattumik pisariaqartitsisoqalersinnaavoq. Kisianni Paamiunut aamma Paamiuniit nuuttarnerit pissutigalugit qaqugu meeqqeriviup Mikep initaanik ammaaqqinnissaq ulluleruminaappoq. Taamaattumik suliaq ingerlatsivimmiit malinnaavigineqassaaq.

Aaqqiissutissatut siunnersuut – suliatigut naliliineq

Ingerlatsiviup inassutigaa, meeqqerivik Mike piffissami ulloq 1. septembarimiit 2021 decembari 2021-p tungaanut ullumikkut pissutsinut naleqqussarallassasoq. Aaqqiissutigineqartoq imaalineqarpoq, paaqqinnittarfik meeqqanut 3-t aamma 6-it akornanni ukiulinnut 51-inut inissaqarpoq. Taakku ininut pingasunut agguataarneqarput: Init marluk immikkut meeqqanut 18-inut inilu ataaseq meeqqanut 15-inut. Sulisut amerlassusiligaanerat sulisunut 12-inut appartinneqassaaq, aqutsisoq ilanngullugu.

Mikemi aqutsisup taassumalu tullersortaanik oqaloqateqareernerup kingorna taakku utaqqiisaasumik naleqqussaanerup akuerineqarnissaa pillugu piareersimapput. Malittarisassat atuuttut malillugit atorfiit pingasut inuttaqanngitsut piffissami pineqartumi atorunnaarsinneqassapput. Atorfinnut inuttaqanngitsunut ilinniarsimanngitsut akunnermusiallit taartaasartutut atorneqarput. Taakku septembarimiit taamaallaat akunnerit pisariaqartinneqartut



malillugit neqeroorutigineqartalissapput, tamannalu isumaqatigiissutit atuuttut malillugit nalunaarutigineqassaaq.

Ingerlatsivimmit aningaasatigut sulisoqarnikkullu naliliinerit

Meeqquerivimmiissinnaasut naleqqussarneqarallarnerinut sulisullu 1. septembarimiit 31. decembari 2021-p tungaanut pingasunik ikilineqarnerinut atatillugu akissarsiassanut aningaasartuutitut sipaarutissat isumaqatigiissutit atuuttut malillugit imaalissapput:

NPK-mik isumaqatigiissummi § 4, imm. 1.2 Perorsaasunut	23.220,48 + 1.332,46 kr.	98.211,76
SIK-mik isumaqatigiissut malillugu § 3, imm. 2 Isumaginninnermi ikiortinut	19.595,91 x 4	78.383,64
SIK-mik isumaqatigiissut malillugu § 4, imm. 2 Ikiortinut	100,47 x 688	69.123,36
Sipaarutit katillugit		245.718,76

Massakkut isertitassanik annaasaqartoqanngilaq, akiliutaasunik, meeqqanik meeqqerivimmi inimit allatsittoqarsimangimmat.

Kingornatigut akiliutaasinnaasunik isertitaqarsinnaaneq naatsorsorneqarsinnaanngilaq, akiliutaasartut ataasiakkaarlugit aalajangersarneqartarmata. Meeqqerivimmi ini 2022-mi januaarimi ammaqpinneqassagaluarpat tamanna pillugu ataatsimiititamat naatsorsuutinik saqqummiussisoqassaaq, meeqqat allatsissimasut akiliutigiumaagaat pillugit.

Suliffeqarfimmut Kiffartuussivimmit aningaasatigut naliliineq

Paamiuni paarineqarnissamik pisariaqartitsisut malillugit Meeqqerivik Mikemi naleqqussaanissaq isumatusaarnerusoq nalilerneqarpoq. Meeqqat sulisullu amerlassusaannut naleqqussaanikkut sipaarutaasut taamaalilluni Meeqqanut Atuarfeqarnermullu Ingerlatsivimmi sammisasaqartitsinernut allanut aningaasaliissutaasinnaapput.

Meeqqerivimmi Mikemi inissat amerlassuserisinnaasaallu amerlineqarnissaat pisariaqartinneqaqqilerpat Meeqqanut Atuarfeqarnermullu Ingerlatsiviup aningaasaliinissaq salliuteqqittariaqassavaa, aningaasallu missingersuutaareersunit pissarsiaralugit.

Inatsisitigut tunngavissaq allakkallu tunngaviusumik uppersaatitalit

- Meeqqanut sulit atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. decembari 2012-imeersoq.
- Kalaallit Nunaanni ulluunerani aamma ulloq unnuarlu paaqqinniffinni perorsaasutut sulisut pillugit Kalaallit Nunaanni Naalakkersuisut aamma Nunatsinni Perorsaasut Kattuffiata akornanni ulloq 6. marsi 2021-mi isumaqatigiissutaat.
- Ilinniarsimasut ilinniarsimangitsullu aamma isumaginninnermi ikiortit nalunaaquttap akunnermusiallit pillugit Kalaallit Nunaanni Naalakkersuisut, Finansministeriap aamma Sulinermik Inuussutissarsiuteqartut Kattuffiata isumaqatigiissutaat 2. decembari 2019-imeersoq.

Ilanngussat

Ilanngussaqaanngilaq

Punkt 10: Arsummi angerlarsimaffimmi paarsisarnerup matuneqarnera

Beslutning

Inassuteqaat akuersissutigineqarpoq.

Arsummi angerlarsimaffimmi paarsisarnerup matuneqarnera

Aalajangiiffigisassaq

SagsID.: EMN-2021-12571

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- suliaq akuersissutigineqassasoq
- suliaq akuersissanngorlugu Kommunalbestyrelsimut ingerlateqqinneqassasoq

Suliamik saqqummiussineq

Arsummi kommune angerlarsimaffimmi ataatsimik paarsisartoqarpoq meeqqanik tallimanik paarsaartumik, taakkunani meeraq ataaseq nammineq meeraraa. Meeqqat sisamat atualersimapput nuullutilluunniit taamaattumik nammineq meeqqani kisiat paarilerpaa. Ukioqatigiiaanik meeqqanik utaqqsunut allattorsimaffimmi allatsissimasoqanngilaq. Inatsisartut inatsisissaattut siunnersuut nr. 16 kapitali 4 § 24 imm. 6 kiisalu § 25 naapertorlugit angerlarsimaffimmi paarsisartoq nammineq meeqqaminik paarsinissaanut angerlarsimaffimmi paarsisartut kommunimit ingerlanneqartumik pilersitsisoqarsinnaanngilaq.

Taamaattumik Ingerlatsivik inassuteqarpoq Arsummi angerlarsimaffimmi paarsisarneq matuneqassasoq.

Ingerlatsivimmit aningaasatigut sulisoqarnikkullu naliliinerit

Arsummi angerlarsimaffimmi paarsisarnerup matuneqarneranut aamma sulisumik ataatsimik ikililerinermut atatillugu akissarsianut aningaasartuutit akileraarutit ilanngaatinginnginnerini ukiumut imaassapput: 246.024 kr.

Angerlarsimaffimmi paarsisartup meeqqami paaritittarneranut akigititanut tunngatillugu kommunip annaasaqaatigisassaa massakkut ukiumut 14.784 koruuninik annertussuseqarpoq. Siunissami annaasaqaataasinnaasut eqqarsaatigalugit angerlasimaffimmi paarsisarneq aallarteqqippat meeqqat tallimaassapput paarsisartup meeraa ilanngullugu. Ataasiakkaanit akiliut annaasaqaallu iluarsineqassaaq taamaattumik massakkut aalajangersarneqarsinnaanani.

Suliffeqarfirmut Kiffartuussivimmit aningaasatigut naliliineq

Arsummi kommunip ingerlataanik angerlarsimaffimmi paarsisarnerup matuneqarnissaa silatusaartumik nalilernerqarpoq pissutigalugu nunaqarfimmi meeraq ataaseq kisimi paarineqarnissaminik pisariaqartitsimmat. Meeqqamut ataatsimut angerlarsimaffimmi paarsisarnermik ingerlatsinermut ukiumut aningaasartuutit 230.000 koruunit missaanniipput. Kommunip ingerlataa angerlarsimaffimmi paarsisarnerup matuneratigut Meeqqanut Atuarfeqarnermullu Ingerlatsiviup aningaasaliissutit ingerlatsivimmi sammisassanut allanut atorsinnaavai.

Arsummi paarsisartoqarnissamat pisariaqartitsisoqalissagaluarpat Meeqqanut Atuarfeqarnermullu Ingerlatsiviup nunaqarfimmi angerlarsimaffimmi paarsisartoqarnissaa atuutsileqqissavaa. Arsummi angerlarsimaffimmi paarsisartoqalernissaanut aningaasartuutissat paaritinnermik pisariaqartitsisoqalerpat aatsaat nalilersorneqarsinnaapput.

Inatsisitigut tunngavissaq allakkallu tunngaviusumik uppersaatitalit

- Meeqqanut sulii atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq.

Kapitali 4 § 24 imm. 6: Kommunalbestyrelsen nallerpaga angerlarsimaffimmi paarsisartut angerlarsimaffilluunniit paarsiffiusut akuerineqarsinnaanerannut tunuliaqutaasut peeruttut, akuersineq atorunnaarsinneqassaaq. § 25. Meeqqanik sulii atualinngitsunik katillugit sisamanik angerlarsimaffimmi paarsiumalluni qinnuteqartoq kommunalbestyrelsimi akuerineqarsinnaavoq. Angerlarsimaffimmi paarsiffiusumi ataatsimi nammineq meeqqat 6 inorlugit ukiullit meeqqallu paarisat tallimat qaangissanngilaat.

Ilannussat

Ilannussaqaangilaq.

Punkt 11: Sermiligaami katersortarfik

Beslutning

Inassuteqaat akuersissutigineqarpoq.

Bilag

Sermiligaami katersortarfiuleqatigiiffiup siulittaasuata allagaa.

Sermiligaami katersortarfik

Piginnittuunermut tunngasut

Aalajangiiffigisassaq

SagsID.:

Suliffeqarfimmut Kiffartuussivik - Vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqanut Atuarfeqarnermullu Ataatsimiititap Katersortarfiutileqatigiit Sermiligaami katersortarfimmik piginnittuunermut tunngasut allangortinneqarnissaannik piumasaqaataa akuersissutigissagaa.
- suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimullu inaarutaasumik aalajangiiffigisassanngorlugu ingerlateqqinneqassasoq

Suliassamik saqqummiussineq

2019-imi nunaqarfinni katersortarfiit tiginissaannik siunnersuut politikikkikut akuersissutigineqarpoq. Tamanna sioqqullugu nunaqarfinni katersortarfiutileqatigiit tigusinnaanerit pillugu peqataatinneqarput. Tigusinissamik siunnersuummut tunuliaqutsiunneqarnikuuvoq illut kommunip piginngisani nutartersinnaanngimmagit, katersortarfiit arlallit aserfallassimmamata matusimallutillu.

Sermiligaami katersortarfiutileqatigiit allamik isumassarsisimapput, piginnittuunermullu tunngasut allangorterusulerlugit, peqatigiiffiullu katersortarfik kommunimiit tigoqqinniassammagu.

Nunaqarfinni Aqutsisut:

Nunaqarfimmi aqutsisut isumasioqatigiissinneqarnerat 2018-imut atatillugu nunaqarfimmi aqutsisut kissaateqarput nunaqarfinni pissutsinut naleqqussaasoqarnissaa, tassanilu nunaqarfinni peqatigiiffiit, piumassutsimik sulinerit kiisalu katersuuffissamik qulakkeerinermillu nukittorsaanissaq. Tassanilu eqqaaneqarpoq katersortarfiit sumiiffiit ilaanni ingerlanngitsut uummarissarneqarnissaannut kissaateqartoqartoq.

Sanarfinermut Avatangiisinullu Ingerlatsiviup oqaaseqaatai: B-1614 Sermiligaami katersortarfik qalianit kusertarnera pissutigalugu annikitsumik misissorneqarnikuuvoq. Innaallagissamut tavle ataasiarluni iluarsarneqarnikuuvoq ukiumoortumillu oliiefyri tiguneqarneraniilli suliarineqarnikuuvoq. 2023-mi igalaat matulu silarleq taarserneqartussaapput. Illu 2012-imeersuuvoq nutarfasillunilu.

Ingerlatsivimmit aningaasatigut sulisoqarnikkullu naliliinerit

Sermiligaami katersortarfiutileqatigiit tamatigut katersortarfiutileqatigiittut ingerlalluarterput, katersortarfiullu fritidsklubbitut attartortinneratigut aalajangersimasumik isertitaqartarlutik.

Sermiligaami katersortarfiutileqatigiit illup fritidsklubbitut atukkiunneranut neqerooruteqarsimapput atukkiunnera qaammammut 4.000 kr.-nik akeqassasoq. Imaappoq ukiumut 48.000 kr.-it isertittarpaat, Inatsisartut peqqussutaat nr. 10, 21. majimeersumi § 20 innersuussutigalugu, Kommunalbestyrelse fritidsklubbinut kommunimit pigineqanngitsunut tapersiissuteqarsinnaavoq.

Sermiligaamut missingersuutit akuersissutigineqartut 150.000 kr.-iupput – taamaasilluni 102.000 kr.-it siparneqassapput.

Suliffeqarfimmut Kiffartuussivimmit aningaasatigut naliliineq

Sermiligaami katersortarfiup Katersortarfiutiqatigiinnut tunniunneqarnissaa kommunip toqqassappagu, katersortarfiup siunissami ingerlanneqarnera aserfallatsaaliineqarneralu peqatigiiffiup akisussaaffigilissavaa.

Taamaasilluni kommunip katersortarfiup ingerlanneqarneranut aningaasartuutit sipaaruteqarfigissavai, taakkulu ilanngaatisat peereerlugit 102.000 kr.-nik amerlassuseqarput.

Tunniussisoqannginnerani, Peqqinneq Susassaqartitsinerlu pillugit immikkoortortap Katersortarfiutiqatigiit attartornissaq pillugu attaveqarnissaa pingaaruteqarpoq, taamaasilluni kommune Sermiligaami fritidsklubbimik ingerlatsiinnarsinnaaniassammat.

Aamma katersortarfik kommunip eqqaaveqarnermut aserfallatsaaliinermullu aningaasaliissutaanit peerneqassaaq. Illup igalaavinik silarlarmilu matuanik 2023-mi taarsersuinissamik pilersaarut taamaasilluni atorunnaarsinneqassaaq. Aserfallatsaaliinissamut aningaasaliissutit kommunip illuutaanik allanik aserfallatsaaliuinissanut atorneqassapput.

Inatsisitigut tunngavissaq allakkallu tunngaviusumik uppersaatiillit

- Kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaat nr. 10, 21. maj 2002-meersoq

Ilanngussat

1. Sermiligaami katersortarfiutiqatigiiffiup siulittaasuata allagaa.

Punkt 12: Lukket

Punkt 13: Lukket

Punkt .: Imaqarniliap akuerineqarnera

Beslutning

Imaqarniliaq akuersissutigenqarpoq nal. 15:30